

# Wottelejan van Ossau

Wie hei in Walzem verkannt wudden

Von Peter Riehm

In Ossau (Orsoy) gow et vör lange Johren ehnen Dokter, denn hitten Döhnhoff. Et wor en ganz gut gelejene Mann on ok in sin Fack en döchtigen Kerl. Hei ös sogar en gewisse Berühmtheit gewäß. In sinne Frejtitt bedrew hei Bejjenzoch. In Ossau nümnden sej öm denn „Bienenvader“. Hei hät ok en groot Buuk över sinne Bejjen geschrewen, wat öm in de dumoligen Titt tu en grote Berühmtheit miek. Wat hei noch ahn sech hat, hei wor, wie me saht, „volksdümlich“. Jedes Kend kahn öm. Nömmes nanden öm Dokter, sondern hei hat den Nam „Wottele Jan“, denn Nam hat hei von et Volk gekregen on et Volk hat öfters passende Names. Met denn Nam hat et en gujen Bewandnis. Wottelejan trock nöwenbej ok noch Kaninnen groot. Fuer vör die Dieren hat hei nit völ, on so wor hei ömmer dankbar, wenn öm jömmes en Bejdrag an Fuer gow. Et meis freuden hei sech, wenn öm de Blagen in de Sommer Wotteln of Wottelgrün brochen vör Kaninnenfuer. Dorför hadden die Kender äwer ok en gujen an öm. Wenn de Stachelbeeren on de Johannesbeeren riep woren oder in dem laten Hervs de Appelen, dann lejden hei de Kender in bej sech in de Gaaden. Dat wor en Fest! Et gow völ Spaß on — Plaatekuuk, wat de Hauptsak wor för son Kender.

Et wor es wer Sommer, on minen Wottelejan geng es op dese Rhinsitt, in Walzem, spazieren. Hei wor ganz einfach ahngetrocken wie ömmer. En einfachen Beus on Box hat hei ahn, kennen Hut op de Kopp on en grooten Schnorrbühl het hei ahnhangen. Wie die erste Lütj öm sogen, seggen sej all: Dor kömp Wottelejan. Die Pöös, die öm soogen, mieken sech nou en Spaß. Ehnen nor denn anderen liep in de Gaaden on hiel en paar Wotteln bej de Bahn on stoppden die in Jan siene Schnorrbühl. En fein Vergnügen wor dat för die Pöös. Mar ok Jan miek dat Spaß, hat hei doch wer wat för sin Kaninnen.

Nou hadden sej in Walzem en Pollezei gekregen, denn noch nej int Dörp wor. Tuffällig sieht denn den Opruhr int Dörp. Sieht, wie die Blagen dem frimden Kerl ömertu wat in de Schnorrbühl stoppen, de Blagen waren laut ant rupen on lachen: „Wottelejan, Wottelejan!“ Dat wor for en Dengen, wor de Pollezei inschrijjen mos. Denn verwogene Kerl met denn Schnorrbühl, wor de Blaagen drachter in liepen, denn mos hei doch es zeigen, dat en Staatsperson int Dörp wor. So geht hei dann op denn Schnorrbauer ahn on frög öm no de Personalien. De Blaagen mieken för lauter Aengs mar wacker Platz. Denn Strööper sag sinnen Nam: Dr. Döhnhoff, Orsoy! „Wie“, bölk de Pollezei, „du Bruder bist mir schon der rechte Doktor? Hä, hä!“ Denn frug hei de Blaagen: „Wenn ös dat?“ Sej gowen tu Antwort: „Dat ös Wottelejan üt Ossau!“ „Also doch Orsoy! Folgen Sie mir. Sie sind verhaftet.“ „Gut“, säht Wottelejan, „ek gohn met.“ Wie sej an de Pont kohmen, säht Wottelejan: „Ich be-

zahle die Überfahrt, Herr Beamter!“ „Das fehlte noch! Sie sind mein Arrestant! Die Überfahrt ist für mich eine Dienstaft, also frei für beide.“ Drop säht Wottelejan: „Wenn ek alleen fahr, kos et mej fiff Penning. En doll Dengen! Wenn me met twee Mann fährt, kos et nex? Ek fahr blos noch in Gesellschaft, dat es verdohrih belleg!“

In Ossau gow et en grooten Oploop. „Wottelejan kömp met en Pollezei.“ (Dat de Pollezei met Wottelejan kom, dat ahnden nömmes.) Vör et Börgermeistershus kreg Wottelejan noch ingescherp, dat hei sech anständig tu benähmen hat bej et Verhör. Dat versprok Wottelejan met Schmonzeln. Dann gong et bej de Börgermeister herin. Wottelejan satt sech int Sofa on sag: „Hier ös men bekannt Plätzken.“ „Was fällt dir ein, du Straßenläufer? Steh auf“, schnauzt de Pollezei. In dem Ogenbleck kom denn Börgermeister persönlich herin, süht Wottelejan int Sofa setten, süht denn Pollezei. Sofort wor öm klar, wat los wor. Ehr de Pollezei noch mehr seggen kos, begrüßten den Börgermeister denn Wottelejan: „Guten Tag, Herr Doktor! Ich sehe, es liegt ein Irrtum vor.“ Ok de Pollezei kreg Opklärung on woll met en hochrojen Kopp affgohn. Dor säht Dr. Döhnhoff: „Bleiben Sie hier, Mann des Gesetzes! Wir trinken zu Dritt eine Flasche Wein.“ De Börgermeister liet en Fläsch Win ut de Keller halen, on die Drej trocken dat guje Dröppken op de Spaß, denn sej alle Drej gehat hadden. Jeder op sin Art. Die nächste Fläsch schmiek all wer bäter wie die erste. Met Schlagsitt gong denn Pollezei an den Owend nor Hus. Hei hat Wottelejan kennen gelehrt. On den Ossausen Börgermeister sinne Wine. Dat wor doch wahrhaftig en ganze Portion för ehnen Dagg!



Brenzlich

Karl und Hein, zwei Taugenichtse, treffen sich.

„Wat es dat, Karl“, sagte Hein, „eck hebb gehört, et hät bej dej gebrannt?“ „Pst!“ machte Karl, „böös do stell, nächste Week doch äss!“